



Komisija za Statut i akte

Broj: 04-GV-04-616/23

Sarajevo, 17.04.2023. godine

ZAPISNIK O RADU
59. SJEDNICE KOMISIJE ZA STATUT I AKTE
GRADSKOG VIJEĆA GRADA SARAJEVA
održane 17.04.2023. godine

Prisutni:

1. Toni Vukadin, predsjedavajući,
2. Dženan Tikveša, zamjenik predsjedavajućeg
3. Drago Jurić, član
4. Muamer Mekić, član
5. Alma Čengić, članica
6. Bajro Biber, član
7. Adi Škaljić, član
8. Vedran Dodik, član

Odsutna: Selvira Vilić, članica

Sjednici iz Gradskog vijeća Grada Sarajeva prisustvuju:

- Mila Eminović, sekretar Gradskog vijeća Grada Sarajeva
- Mirjana Đanović Stanić, rukovodilac Stručne službe za poslove Gradskog vijeća
- Amir Vrca, šef Odjeljenja za kabinetske poslove Gradskog vijeća,

Sjednici ispred Predlagača prisustvuju:

- Aida Bajramović, rukovodilac Stručne službe za poslove kabineta i Gradske uprave,
- Sabina Hadžiahmetović, ispred Stručne službe za poslove kabineta i Gradske uprave,
- Zinaida Čengić, ispred ispred Odjeljenja za međunarodnu saradnju
- Tarik Zečić, ispred Gradske službe za urbano planiranje, investicije, stambene i komunalne poslove

Predsjedavajući Komisije je u 11.09 sati otvorio sjednicu Komisije, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 58. sjednice Komisije za Statut i akte Gradskog vijeća Grada Sarajeva održane 13.04.2023. godine.

Na prijedlog Predsjedavajućeg, Komisija za Statut i akte je jednoglasno usvojila sljedeći **dnevni red**:

1. Mišljenje o Prijedlogu Odluke o dodjeli u zakup poslovnih zgrada i prostorija Grada Sarajeva
2. Mišljenje o Prijedlogu Odluke o pristupanju Projektu izgradnje pješačkog mosta iz ulice Bihaćka
3. Mišljenje o Prijedlogu Odluke o davanju saglasnosti gradonačelnici Grada Sarajeva za potpisivanje Memoranduma o razumijevanju između Grada Sarajeva, Bosna i Hercegovina i Grada Bakua, Republika Azerbejdžan o uspostavljanju pobratimskih odnosa
4. Mišljenje o Prijedlogu Odluke o osnivanju Službe Gradskog vijeća Grada Sarajeva



5. Mišljenje o Izvještaju o provođenju Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo u 2022. godini
6. Mišljenje o Nacrtu Odluke o izmjeni Odluke o podizanju spomenika bosanskom kralju Tvrtku I Kotromaniću
7. Tekuća pitanja

TAČKA 1.

Mišljenje o Prijedlogu Odluke o dodjeli u zakup poslovnih zgrada i prostorija Grada Sarajeva

Uvodno izlaganje podnijela je Sabina Hadžiahmetović, ispred Stručne službe za poslove kabineta i Gradske uprave.

Dženan Tikveša, zamjenik Predsjedavajućeg je sugerisao da se u Odluci isprave tehničke greške, što je predstavnica Predlagača prihvatila.

Poslije uvodnog izlaganja, na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**:

Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Odluku o dodjeli u zakup poslovnih zgrada i prostorija Grada Sarajeva* kako je predložena.

TAČKA 2.

Mišljenje o Prijedlogu Odluke o pristupanju Projektu izgradnje pješačkog mosta iz ulice Bihaćka

Uvodno izlaganje podnio je Tarik Zečić, ispred Gradske službe za urbano planiranje, investicije, stambene i komunalne poslove.

Poslije uvodnog izlaganja, na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**:

Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Odluku o pristupanju Projektu izgradnje pješačkog mosta iz ulice Bihaćka* kako je predložena.

TAČKA 3.

Mišljenje o Prijedlogu Odluke o davanju saglasnosti gradonačelnici Grada Sarajeva za potpisivanje Memoranduma o razumijevanju između Grada Sarajeva, Bosna i Hercegovina i Grada Bakua, Republika Azerbejdžan o uspostavljanju pobratimskih odnosa

Uvodno izlaganje podnijela je Zinaida Čengić, ispred ispred Odjeljenja za međunarodnu saradnju.

Poslije uvodnog izlaganja, na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**:

Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Odluku o davanju saglasnosti gradonačelnici Grada Sarajeva za potpisivanje Memoranduma o razumijevanju između Grada Sarajeva, Bosna i Hercegovina i Grada Bakua, Republika Azerbejdžan o uspostavljanju pobratimskih odnosa* kako je predložena.

TAČKA 4.

Mišljenje o Prijedlogu Odluke o osnivanju Službe Gradskog vijeća Grada Sarajeva

Uvodno izlaganje podnio je Amir Vrca, šef Odjeljenja za kabinetske poslove Gradskog vijeća.

Drago Jurić, član Komisije je zatražio pravni stav sekretara Gradskog vijeća Grada Sarajeva o pravnoj utemeljenosti prijedloga Odluke koja se razmatra.

Mila Eminović, sekretar Gradskog vijeća je u svom izlaganju, a za koje je zatražila da uđe u Zapisnik, istakla sljedeće: „kako nije učestvovala u normativno-pravnoj izradi predmetne Odluke, te da joj je samo zatraženo mišljenje na već pripremljeni radni materijal, a u kojem je iznijela svoj negativan stav. Predložena Odluka nema valjano pravno uporište, tj. pravni osnov jer je osnivanje Stručnih službi prema odredbi člana 54. Zakona o organizaciji organa uprave u FBiH („Službene novine FBiH“, broj: 35/05) i članu 11. Zakona o državnoj službi u Kantonu Sarajevo („Službene novine Kantona Sarajevo“, broj 31/16) u isključivoj nadležnosti Gradonačelnika. Odredbe iz pravnog osnova predložene Odluke nisu valjane jer član 147. Zakona upućuju na analognu primjenu ovog propisa i kao takav ne može biti valjan pravni osnov, a naročito u uvjetima kada taj isti Zakon izričito predviđa pravni osnov za osnivanje stručnih službi, te da je, isto tako, zakonska intencija ovog člana po pitanju analogne primjene sasvim drugačijeg značenja u odnosu na tumačenje predlagača, kao i da Poslovnik o radu Gradskog vijeća ne može, također, biti pravni osnov jer je riječ o proceduralnom propisu koji regulira rad Gradskog vijeća, radnih tijela, proceduru usvajanje propisa i sl. Citirana odredba Statuta iz pravnog osnova predložene Odluke, isto tako, nije valjana jer se ne osniva gradska služba, kao služba uprave, već stručna služba koja ima drugačiji djelokrug u odnosu na gradsku službu uprave. Problematičan je i sadržaj predloženih rješenja u prijedlogu Odluke koja se razmatra i to redom: djelokrug Službe, podjela unutrašnjih organizacionih jedinica u Službi, ovlasti rukovodioca Službe koji ima neosnovan status rukovodioca organa uprave, način izbora rukovodioca Službe koji se bira od strane Gradskog vijeća kao funkcioner pri čemu nisu jasni kriteriji ovakvog izbora niti postoji propis o načinu takvog izbora, a posebno je problematično i ovlaštenje rukovodioca Službe u donošenju Pravilnika o sistematizaciji radnih mjesta u službi, postavljanju državnih službenika i namještenika, a što su isključivo nadležnosti Gradonačelnika. Isto tako, ne može se povlačiti paralela između organizacije zakonodavnih tijela viših nivoa vlasti i jedinica lokalne samouprave, jer jedinice lokalne samouprave su specifične i u njima su integrirana dva organa: Gradonačelnik i Gradsko vijeće koji nemaju status pravnog subjekta, te je u cjelosti neutemeljeno dodjeljivati status pravnog subjekta Službi Gradskog vijeća u uvjetima kada ni samo Gradsko vijeće nema pravni subjektivitet. Temeljem navedenog problematična bi bila i primjena eventualno usvojene Odluke sa aspekta rukovođenja, potpisivanja ugovora, javnih nabavki, postavljenja službenika i sl.“

Uslijedila je rasprava u kojoj su učestvovali Aida Bajramović, rukovodilac Stručne službe za poslove kabineta i Gradske uprave i članovi Komisije za Statut i akte Vedran Dodik, Adi Škaljić, Muamer Mekić, Dženan Tikveša, zamjenik Predsjedavajućeg i Toni Vukadin, Predsjedavajući Komisije, te iznijeli svoja mišljenja i sugestije o predoženom aktu.

Vedran Dodik, član Komisije je zbog ranije preuzetih obaveza u 11.36 sati napustio sjednicu.

Poslije uvodnog izlaganja iz diskusije proizašao je prijedlog da se rasprava o predloženom aktu odloži za sljedeću sjednicu Komisije za Statut i akte koja će se održati u utorak 25.04. u 14.30 sati, te je Predsjedavajući komisije konstatovao da se odlaže rasprava o Prijedlogu Odluke o osnivanju Službe Gradskog vijeća Grada Sarajeva za narednu sjednicu Komisije za Statut i akte.

TAČKA 5.

Mišljenje o Izvještaju o provođenju Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo u 2022. godini

Komisija za Statut i akte konstatuje da sjednici ne prisustvuje predstavnik Predlagača, te se odlaže razmatranje Izvještaja o provođenju Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo u 2022. godini za narednu sjednicu Komisije za Statut i akte koja će se održati u utorak 25.04.2023. godine sa početkom u 14.30 sati.

TAČKA 6.

Mišljenje o Nacrtu Odluke o izmjeni Odluke o podizanju spomenika bosanskom kralju Tvrtku I Kotromaniću

Uvodno izlaganje i odgovore na pitanja dao je Tarik Zečić, ispred Gradske službe za urbano planiranje, investicije, stambene i komunalne poslove.

Na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**:
Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Nacrt Odluke o izmjeni Odluke o podizanju spomenika bosanskom kralju Tvrtku I Kotromaniću* kako je predložen.

TAČKA 7.

Tekuća pitanja

Pod ovom tačkom dnevnog reda nije bilo zaključaka.

PREDSJEDAVALJUĆI KOMISIJE

Toni Vukadin, s.r.

Predsjedavajući Komisije je u 11.40 sati zaključio rad 59. sjednice Komisije za Statut i akte Gradskog vijeća Grada Sarajeva.